

百
柱
堂
全
集

百柱堂全集卷一 乙酉丙戌丁亥

監利王柏心子壽著

登荊州城西樓

野色蒼然擁郡樓，雄城獨上迥含愁。
雕盤大纛黃雲落，馬散荒壕白草秋。
落日金笳多塞曲，健兒身手學幽州。
清時防禦原無事，不廢西南設險謀。

曉渡

橫跨赤龍脊，飛行絕羽翰。
戲將紅日弄，擲作紫金丸。

九日登大別山

蒼莽山風亦壯哉，振衣長嘯半空迴。
三秋楚塞雲飛動，萬里

吳天水劃開寥落鄉心羈馬少縱橫沙氣野鷹來不須更問
浮名事爲客重陽最可哀

贈僧

招提在人境只訝白雲深一徑蹋黃葉微聞清磬音安禪龍
不擾窺客鶴無心未覺談詩倦蒼煙起夕陰

寄蔡季舉乾州

年少浮湘擁劍遊蕭條蘭芷渺余愁五溪風急煙霜閣七澤
天寒日夜流鴈噉驚沙沈塞壘鴈窺孤月下邊樓知君聞笛
離懷起望盡楓林淚未收

寄贈劉孝長二首

遊鴨乘迅颿振翻運九州巨鼇擁蓬萊策足滄海流君本聚
俊人當挾風雲遊漢廷盛文藻翩翩金馬儔賈生獨沈抑長
卿客諸侯坐令璠璣寶委棄未見收岿堯白玉閭削起空中
浮駕言阻河漢衰稟濡雙駟蒼龍挽長轡西匿崦嵫邨佳人
攬芳萼青陽變爲秋寂寂滯遙夜悲哉年歲道

高樓跨江表秋色空中迴與君此握手願盼何雄哉縱橫振
英辨豁達肝膽開河梁一以別望參辰乖驚沙盪白日悲
風寒門來蒼鷹下平楚離鴈江海哀登高望入荒仰見浮雲
頽奄忽踰千里不能稍徘徊人生非草木安得同根荻咄嗟
撫雄劍何時生風雷念我慷慨侶北走燕昭臺都門滿羣駟

帝閑需上材子其逐飛電高歌天馬徠當令英聲起壯我
磊落懷

送龔木民計偕入都

匹馬燕臺攬善過翩翩日下接鳴珂漢廷亦奏凌雲賦楚客
能高白雪歌塵路千山隨朔鴈天冰二月照黃河勸門到處
攀煙柳回首離情夢若何

送人還蜀

歸聽猿聲澁頰堆寒雲捲盡萬山開空江不見孤帆影三峽
浮波天上來

竄雙梧以登雄楚樓見憶詩寄示賦此答之

故人高詠倚飛樓，動地風生宋玉愁。
知舊飄零雲樹外，河山空闕古今秋。
望中一鴈音書落，夢裏雙龍劍氣浮。
誰識仲宣徒弱筆，年來煙雨臥滄洲。

大雪偕潘芷裳登壺天閣

憑臨傑閣雪中開，何處茫茫是楚臺。
地盡江懸高樹出，雲橫天擁大荒來。
巴邨寒影遙相倚，夢澤雄風莽自迴。
莫訝飛揚多壯思，和歌難得郢中才。

題鐵裳上人戴笠看山圖

修蘿絡石風吹衣，老木連蜷迴新姿。
絕壑往往遊綠羃，老鶻墜巢元猿嘯。
衝來一笠如鳥飛，奇景稍縱愁莫追。
阿師此圖

何淋漓邀我作歌張一旗云將側身窮攀躋空山無人巖花
垂流泉暗答瑤琴絲吟成入妙宛肖之我聞趙公亦愛匡廬
栖趙州打包老不疲入道必與名勝期如師差可擔簞隨甕
中歎我猶醯醢雜雲山夢想空調飢夸娥之子呼不來安得箇
峰輦致隨鞭笞何年卻謝塵中鞵借二茅龍空中騎與師膠
逐雲間嬉青天蕩蕩霞作梯蒼崖大字編斗箕硬語一吐胸
中奇興酣還借豐隆椎徑碎五嶽如丸泥翩然袖作卷石歸
伏波將軍銅柱歌

天南荒服雄嗟峨妖蛇毒虺相噓呵猿何女子煽攻劫鬱可
馬上揚雙蛾天威震蕩剽小醜桓桓將軍頭鬢憑鞍顧盼

謝天子身環朱甲援瑀戈雄帥朝渡武溪水仰見跼跼飛鸞
過天家將吏奉誅討霧潦不敢爲災疴全軍深入據其阻蒼
鷹下撲百鳥窠蝨爾遊魂追旦夕敢以腐鼠投太阿師行萬
里不血刃朱鷲之浦安無波百蠻歎塞請內屬一朝置郡開
胖牂遂遣壯士鏟銅穴輦輸日致千囊駝蜚廉捧鑑豐隆鍛
屹立百丈無偏頗赤霞倒射異采湧燒空酸酸扶桑柯東鳥
西兔憚奔突逸巡攬轡迴義娥銘功宣威刑牲祭約以恩信
期無佗南人羅拜不復反犬羊出檻鳥釋羅爾田爾宅爾婦
子遣吏撫爾蠲煩苛依漢如天吏如父爾視此柱如山河將
軍功成不受賞誇書盈篋言之謬橐裝薏苡竟不察豈有明

珠須馬馱平生裏革志已足雲臺圖畫甘蹉跎偉哉此柱瞿
炎微俯視百峒猶么麼黎丁蘆笙夜跳月花裙蠻女銀簪歌
老苜猩紅繡斑駁一日澆柱三摩拏鯨顛鼉抹金蠶死此柱
終古無銷磨吁嗟將軍逝已久夷人哀思雙滂沱荒祠日暮
擊銅鼓椒漿薦之鸚鵡螺靈旗彷彿捲甲渡蠻江一夜逃蛟
鼉行人倚柱弔英魄枕椰雨黑悲風多

寄左季穎別駕

風捲牙旗夜月沈當年檄草擅陳琳歌來橫吹三軍曲老盡
雄飛萬里心寒雨天低雲夢澤荒城春接洞庭陰章華客思
今寥落安得登臺共我吟

寄馬柏坪明府

章臺春草綠遙接洞庭還欲贈神仙吏招來湖上山晴雲當
戶滿玉軫對花閒爲想清樽夜風梳裙屐間

答陳九香

客自滄江外遠貽瓊樹枝清輝比明月顏色想同之芳杜幽
誰采修蛾隱未奇所思同棄置感激爲良時

郭山人畫馬歌

房精夜墮海西極海雨茫茫溢深黑霹靂一聲搖海翻毛龍
浴海跋波出天骨變化神行空修鱗隱起拳毛中矯矯逸性
不可制人閒羈絡難爲功自非瑤池宴誰控飛黃材辰也何

從觀逸足破空落筆生面開張之虛堂雪色壁倏如飛電影
滅沒怒蹶蹴蹋波濤渾天吳墜策矚且奔迎風噴玉尾猶濕
一匹練已騰崑崙墮地豈論秦越遠逢時必濟英雄人我今
失志久頽放對此惆儻心神王寶鉸金纏待驟駉駉駘御在
黃金市可憐紫燕傷短轅垂兩耳垂兩耳日已暮摧眉不向
路人鳴舉鞭誰識麒麟步似聞流沙外迺有玉山禾雄心遂
欲觀閭閻閭閻九門橫嗟峨造父挽輓追羲娥與爾飛轡凌
天河

秋懷 四首

西風吹劍倚高樓落日蒼茫萬里愁星影臨關皆北向河聲

出塞更西流穹廬低草牛羊下大旆荒山鳥鼠秋成婦空簾
今夕夢應隨明月照涼州

列燧嚴關赤羽紛交河來往射鵬羣沙光夜散輪臺雪殺氣
秋高瀚海雲塞下蒲桃淪萬里笛中楊柳動三軍雄心獨指
伊吾北誰試樓蘭一劍勳

金城屬國控西羌倚劍崆峒自武皇一旦封狼窺肘拔長驅
牧馬度河湟旌殘洮水天陰黑鼓絕蔥山日氣黃白首忠魂
悲裏革鬼雄應擊左賢王

君王拊髀頌當朝 詔發材官促郡輶中葉豈無周獵猶成
功須倚漢嫖姚憑關列障千峰峻橫海飛芻萬馬驕計日皋

爾馳獻捷 垂衣三殿仰雲霄

懷孝長

鳳城闐闐五雲開放逐仍憐天下才
醉別西風燕市酒心輕
東海魯連臺離情落木分飛後
秋色長江萬里迴
兩地飄零
猶短褐相望空有楚歌哀

雙梧返自都門聞其以疾馳歸

文園歸臥病楚客倦行吟
落日沱潛道維舟楓樹林
昔余共
尊酒離別一旬深
近覺征鴻少悽其望遠心

哭雙梧 六首

萬身今莫贖 一慟事疑無
夢去河山邈 愁來天地孤
餘光塵

劍沒大運壑舟徂裂腦將何報空捐壯士軀

君以瘴道卒

醉辭燕趙客揮策遂南轅冷宦猶秋蒂歸程卽鬼門銘旌秦
博士遺藁漢文園從此登高罷黃花不舉尊

江南望江北海氣暗重重湖上尋西子南峰更北峰昔君挂
帆路聽盡六朝鐘今日煙波窟魂應戀短筇

蕭寺題襟後緘君蘭芷情風塵如夙昔江海若神明昨歲歌
零雨高秋送客行西州遺永恨今在武昌城

元經猶未出葛帔尙憐貧慟爾浮生夢慚余後死人素車遲
雨雪元壤斷音塵宿草雖盈望終無輟泣晨

往者陳劉逝

秋飭殿撰
海樹太守

驚君鬼錄加數窮來鵬鳥巖厄在龍

蛇上界徵才子高文掩國華荆山奇氣少埋璧竟長嗟

同人泛舟陸城之蕪湖遂遊三橋泝月而歸

羣山圍一湖湖盡山猶束澗水從中來劃破眾山綠初日照
輕舸迴波漾春穀來熾姿未呈去岫態猶複境寂不逢人田
磽兼屋鮮鷺照幽灘靜點一溪玉林合水源窮橋傾石齒
感高柱疏星旋鱸墜歡續明月出萬峰清光不可掬卻墮
扁舟中沿溪三百曲孤墻雲間浮端然送遠目飛下一片雲
招我住幽獨闕水媿潛鱗企崖眷青鹿空抱徂年悲未授紫
霞籙永願掇華芝棲冲寄雲谷

暮遊城三橋遇李花村置酒

輕舟無遠近，泝盡蒼山谿。谿流三百曲，直到大橋西。煙生遠
岫沒天闊，歸雲遲暝投。橋畔徑始見，幽人栢張燈。出春溪，浮
綠如玻璃。屋後望青山，皆與白雲齊。松間吐明月，始覺高峰
低。回顧眾山影，散如流水隨。客醉覓歸艇，主起憐解攜。依依
月下影，散落松間蹊。旋舟一以別，岸轉山復移。欲望翠微宅，
蒼然煙霧迷。

嘉祐寺

背郭萬株松，來聽松外鐘。天風吹不去，飛入白雲峰。言訪遠
公宅，當門石氣濃。歸途一回首，漠漠夕陽重。

雲溪古松歌

雲溪驛畔松陰明未至十里聞風聲就中一株宋時植上與
雲氣爭縱橫岳家軍建勤王幟盪寇南行經此地憇馬思留
六月陰移根皆遣三軍吏旋師松下奏饒歌白日光懸旌旆
多風動兵聲騶草木雲開佳氣壯山河山河鬱勃根株古巢
鶴千年作仙語濤聲夜落洞庭波黛色朝飛雲夢雨行人長
阪度炎天不待秋風亦灑然六時廣樂張空際萬丈涼雲落
馬前樵童竊養來摧弃愛惜無人年復歲縱斧徒充繫下薪
繫牌猶帶官家字至今冠蓋此途中偃蓋連雲一旦空非無
蔽野千山木惜少張鞞萬壑風萬口紛紛爭歎息世間封殖
終無力池臺但寵一春妍泥滓誰憐千丈質翻覆由來不可

量奇材自古有，摧藏秦川秋雨悲。青梓夜火西風燼，柏梁卽
如此。松委蕭散萬牛回首誰能輦，得地當升五柞宮。遭時或
入長楊館，憶昔能詩何舍人。遺株猶見兩三存，沿亭接堠多
新植。盡是龍鱗舊子孫，感我停車淚如瀉。一株獨對煙榛下
月明，野水弔唳。蝓日落荒山，繫官馬大樹飄零且莫哀。冬青
未老六陵開，歌成忽覺蒼龍嘯。怒捲晴天風雨來。

春閨 二首

花裏長嘯掩翠幃，紅顏日夕夢金微。夢中纔識行營處，又報
前軍夜合圍。

長安少婦畫樓凭，春日煙花照五陵。聞說鐵衣金渡馬，交河

猶是去年冰

邊詞

羌笛秦春上戍樓窮邊一夜滿鄉愁悔風吹送關山月影落
黃河入塞流

古意

六首

翩翩西北雲倏忽東南遊所思羽翼短安得無離憂登高望
長河去水何悠悠從風托我懷日夜天邊流美人杳何許圓
景忽我道亮無瓊樹枝莫解飢渴愁

瑤姬隱陽臺容豔如朝英動搖明月墮被服綵雲生君王夢
不眷所乏非微誠我峩章華宮婉孌充後庭寂寞巫山道不

聞宮車聲十二綠雲峰
虛照江水明春風過珠箔
樓閣花冥冥日暮玉顏
變錦衾空復情

高樓出花間青天明月輝
當窗奏淶水十五邯鄲姬
織手未竟曲歛怨顰雙眉
清歌揚哀音中有離鴛悲
調急妾自苦情傷人豈知
情風如有意寄入雲間吹
君子處遐遐聆聲當念之

雲起蒼梧陰日沒洞庭浦
婉彼幽谷姿行吟暮疇侶
明月隔汀洲遙情不能語
南鴻今又歸瑤華在何許
春水茫茫來綠盡瀟湘渚
江花落微紅東風吹山雨
獨立濕羅衣無人寄芳

杜

爰居辭魯城往觀蓬萊顛道遇東南風一夜揚波瀾神魚鼓
鬢橫空天青雨寒中州望貝嶠白日何漫漫飢來憚遠涉瓊
玕未能餐不覩金銀臺心悲淚潏浚

名工鑄寶鏡瑩潔如秋玉上鏤盤龍形旁作干花旗千金翡
翠奩裝罍恐不足臨當遠寄君展拭重反覆明月在青天不
照人心曲此物照妾容兼照腸斷續想君回餘光薄微蒙鑒
錄

寄荅張霞海漢陽

東風吹雨江花暮波迷鸚鵡洲邊渡一夜春潮接洞庭登樓
不辨尋君處滄江草長綠迢迢剖得雙魚報寂寥天涯欲識

離情苦煙柳絲絲長短條

憶僧談廬山瀑布之勝作歌寄之

廬山秀出東南陲廬山瀑布天下奇天風吹落銀河水但見
瑤雪晴空飛我師滌盡塵千斛曾窺石鏡漱寒玉障溪欲寄
白芙蓉招來五老雲間綠憶昨逢師江上亭高談月出亦雪
明眼中如接匡廬勝欲落屏風九疊青師今返錫臥深院餘
情猶作溪山戀若夢當時洗鉢潭應有白雲流片片

麻姑昇仙壇曲

霞衣玉女吹雲笙芳尊桂醴香淺清煙中翠鳳銜素字開書
知自王母庭麻姑受訣鍊金骨垂髻春風吹綠髮芙蓉秀麗

浣脂華炯若秋天中
夜月靈壇花落紅
葳蕤天門片片香雲
飛萬人齊唱昇天曲
玉輶一去何時歸
紅淚熒熒謝親屬
銀河澹照仙蛾綠
紫臺幾日宴真妃
瓊芝長徧仙壇曲
壇中不見驂鸞人
壇下鷄鳴人
尙聞星冠羽帔
今何處
夜夜靈風送碧雲

赤壁歌贈劉五豫生之嘉魚遊赤壁

落日欲渡江中來
長江走海東不迴
吳顛魏蹶一反掌
兩龍爭戰安在哉
江花笑日年年發
石上血燐千載沒
汀鷗不識劫灰哀
煙中片片飛輕雪
一帆送爾凌蒼茫
去若東南孔雀翔
曠代英名感年少
江山雄傑只周郎
慷慨由來燕趙士
知

君釀酒悲歌起賦筆黃州氣並豪雄詞雙照滄江水

別後書懷寄劉椒雲

我行楚澤雄風哉火雲吹落章華臺城南訪舊遇劉子矯矯
公幹西園才柴車短褐隨人後憐爾風塵半馬走時逢杯酒
憶燕山安得姓名懸北斗論交三子齊年齒與君潦倒皆相
似魁顏蔡澤困泥塗

季舉

黑頭我亦蘆中士今時 聖人朝

明光八紘頓網來麟皇既聞鴻鶴出鼓澤亦有天驥遊雲間
誰令吾黨二三子遭逢不得廣芝房酒酣以往氣益振飛揚
宇宙何雄俊平睨荆衡日月高狂歌江漢波濤震兼旬祖帳
爲臨歧愁詠河梁都尉詩他年雄劍誰先躍別後瑤華且莫

遶秋聲昨夜落江河高天萬里陰雲多飛龍羽翼各飛去奈
此平地山川何行歎坐愁良會歇啣杯飛下青天月清輝一
片遠憐君流影難從關塞越西風嫋嫋洞庭還欲折蘅蘼路
渺漫知君雅擅劉安賦寄我懷人桂樹篇

錄別

炎歊爍金石握手荒城陬良會在俯仰還轅大火流遙憶世
中夜明月生滄洲餘輝猶裊裊燭我西南樓歸鳥有接翼念
子獨離憂西風間闕來吹落銀河秋日暮駕車返水深蛟龍
遊黃鶴獨失侶長鳴將何求

哭家督堂司馬

三首

海上尋堯率人間失歲星猶龍疑恂恍化鶴故精靈尸祝樂
公社衣冠楚相形萬家紛雨泣椒荔薦微馨

自縉簪纓日長辭松菊關短衣戎馬後白首掾曹間生有盟
心水歸無埋骨山哀魂西顧夜不化杜鵑還

謝客西堂冷鴻妻舉案嗟血瓣方在疚飢羽况無家素宦飄
零葉黃金聚散沙楹書傳子弟或望扇芬華

百柱堂全集卷一終

百柱堂全集卷二 戊子 己丑

監利王柏心子壽著

題岳陽樓

樓上雄風蜃氣腥東南日月壯空冥一江捲雪趨雲夢九水
浮天入洞庭漠漠蒼梧寒駐蹕悽悽黃竹暮揚舲鏗鉤不盡
魚龍奏廣樂虛疑下帝局

岳陽郡樓春望

迤邐巴邶折復迴雄城分險亦崔嵬山蟠遠塞巫滇接江轉
東流鄧鄂開野闊星依南極正春晴天抱洞庭來憑高更指
荒城壘躍馬公孫豈霸才

寄簾簾開士

開士談經處。天花丈室深。洞庭風雨夜。暢以海潮音。秋壑栽詩骨。孤雲鑿道心。別來湘水綠。可有惠休吟。

答夏秋丞 二首

浮雲自何所。吹上客中山。獨撫一長劍。浩歌天地間。衝風激林表。寒日暗江關。羈絀方搖落。非君孰解顏。

楚澤有鴻鵠。咸云六翮升。迴谿一失翅。羞彼霜中鷹。廣莫不吾與。雄飛安所憑。因君彈苦調。斫地和猶能。

送張霞海之麻城

歲晚征車發。東經楚塞山。浮雲漢陽郭。斜日穆陵關。重以窮

途別懷余壯士顏冥冥天際翼黃鶴幾時還

酬劉延知二首

君家兩鳴鶩發聲中歸昌季子意尤遠隱然苞采光蘭襟一
以締爲我迴芬芳良辰展燕婉金石要不忘別來若俛仰關
河悽已霜回風激哀壑陰雲結重岡蒼鷹擊枯草鳴鴈翩且
翔還顧鷓鴣與鵲不得遊扶桑飄飄散中道哀鳴滄洲旁臨流
寄涕淚因之江漢長

浮雲起飄忽吹我遠行遊孟冬寒氣厲客歎未能休眾芳避
急景志士懷苦憂結璫不我竢奄忽西南流故人唱高言皓
首期前修桂華蚤易蠹橘實晚見收感子勛令德申章禽綢

繆

冬日偕夏秋丞入寶通寺遂陟洪山絕頂

夙企茲山勝飛夢懸青松孟冬徯我友並轡郭門東踰嶺望
紺殿就獻趨琳宮盤紆百千磴始得登高峰羣山如矯翼披
我排鴻濛楚關變落木深谷來悲風白日澹原野四宇蕭然
空夢澤隱煙際滄江流霧中縱橫百里外唯見南飛鴻倚崖
湧孤塔危構嗟何雄惜哉未拾級日暮聞孤鐘長歌下山去
已有飛雲封

洪山詠岳鄂王松

絕壁削寒暉天青風雨飛如悲二聖轍不化老龍歸偃蓋旌

旗影若鱗戰伐威楚天吹夢疾山寺磬聲微

寄蘅香兼憶季舉 二首

潮動漢陽城離尊此夜情西風吹落月客鬢老秋聲脫葉爭
先下冥鴻各自征天涯朋好散落感浮生

燠生連夏口雲去暗章臺各有雙龍怨嗟無一鴈來西園冠
蓋會洛下弟兄才揮手滄江後空歌零雨哀

懷鄂山人

昨歲客巴邱招君湖上遊芙蓉峰際雪飛下洞庭流雨雪今
相望荊州更鄂州題詩遙寄汝江外獨登樓

寒夜吟寄季舉

月皎皎風摧林霜悽悽北斗沈沙鴻號多離音羈客感之罷
玉琴扣劍因爲寒夜吟我所思兮章臺下美人抱玉泣中野
迴颿急兮雲屯阿江漢湯湯兮揚其波鳳去林兮蛟失壑飄
搖無託兮將奈何主父西遊困不歸淮陰仗劍鄉里欺丈夫
落魄有如此何用仰天叱咤悲歌爲故園雪花照天白江梅
片片吹君宅長卿時著凌雲幄揚雄自是草元客我如獨鶴
滯滄洲西望行雲眇眇愁雪中攀條儻見憶爲余東寄武昌
明月樹

滋陽湖橋冬望

長虹亘天際跨此百頃湖荒波旣已落彌望無葭蒲緬昔羈

蒲時朱郎當其隅冠山抗飛殿激流環清渠雕闌環瑇瑁
柱懸犀珠鳧鶴接羽下鴈鷺連羣呼上春照羅綺素秋攀芙蓉
葉錦纜起黃鸝文竿出鱖魚美人榆長裊清風相與俱絲管
噉明月煙柳嘯栖烏回舫更置酒平臺羅笙竽時平盛荒侈
運去傷邨墟荒井甃文石耕人拾珠襦死矣化黃土不見粉
與朱悲風蕭瑟來野火燒平蕪壞寢穴羣兔廢苑鳴寒狐積
陽下高阪歌者來樵蘇感此悼崇麗百年忽已徂何必雍門
調撫絃方菽歎

鄂州旅次贈趙禮原邑宰

列繹依天光良臣奮時會起家文字間殊忠竹帛大達人繼

巖廊阿閣鳴鸞鳳長兄二千石仲兄尙書郎羣從諸子弟錦
衣縮銀黃出入乘廐馬道路皆輝光夫子生民秀英聲起華
冑翰園文梓材不佐雲臺構壯年獲一第百里試爲吏攬轡
辭金門剖竹當楚地仁心覆編氓下及喙螟類錦雉麥隴雖
春鳩桑田鳴蒲鞭眾不犯桴鼓宵無驚至今所蒞地草木蒙
嘉聲昨者宰吾邑下簾閉一室酌酒援玉琴東風吹花入筵
令耕墾民悉返義皇逸政成書下考拂衣事幽討鄂州山水
區菟裘吾請老朝歌歸去詞暮歌招隱詩高臥披道帙遺文
撫尊彝幅巾偶一出落落高山姿里人有蔡澤季舉盼陳夙
所許賤子亦聯翩歲星得親睹崔公羅雀庭二子輒披石揅

論風欲生清談月過午衝飈揚波濶征鳥落秋翰執手相慰
勞卻坐復長歎抱壁効塗乞焉得不難難感此謝知己索歎
欲出涕起舞且爲歡萬事皆流水遠遊不如歸拙宦不如已
吳山連海流海上白雲浮洪崖附書至日夕招公遊公留江
鳥喜公去江花愁青天黃鶴舉冥冥安可求

懷木民江東 二首

獻賦甘泉楚客來一官難盡士元才悲歌聲向幽燕滿脾睨
秋臨海岱迴撫劍尙令雄氣動驅車無那鬢毛摧鄂中諸子
風流散何日同尋濁酒杯

故人消息坐迢迢仙舄今聞度石橋樓迴夜懸天姥月海晴

霞散赤城標，栖遲越嶠才。名老涕淚章臺雨，雪遶楚水悠悠。
正東下將予夢入浙江潮。

武昌雪後登山獨眺

岩巖直上俯層城，雪後雲銜楚岫清。江漢長懸天塹險，樓臺
迴抱日華明。登山欲送將歸客，入郢空操奏曲聲。落木鄉關
何處是，心隨一鴈向西征。

寄家笛翁河州

烏道青天上，猿聲白帝西。雲山千里夢，衰病萬行颺。歲暮飢
寒迫，天涯雨雪悽。頻瞻予季返，強爲一扶藜。
季子潤甫尚在蜀

寄訊楊海臣

憶爾草元地蒼山屋後斜寒廳上深竹凍鶴守梅花彝鼎羅
千古圖書足五車幾時歸載酒留醉子雲家

送劉墨泉歸里

江水急潺湲江雲去不閒驚風殘葉落孤櫂一人還士氣飢
寒挫天涯去住艱鄉園梅蕊坼一爲解愁顏

送劉梧孫歸里

歲暮羈栖倦逢君嗟又違夢中殘酒醒雪後故人歸傍驛梅
爭發還林鳥獨飛誰憐江上客鄉思坐依依

武昌見月憶余大耕石

月華如積水渺若洞庭深正憶故人宅梅花湖上林清尊空

復滿圓影亦將沈獨有南飛鴈寥寥傳遠音

越女吟示于蕃

春水碧桃初春風越女居飛花看又盡不嫁復何如舞態閒
金縷嚬痕掩翠裾近來詢女伴知爲畫眉疏

懷蘅香兄弟

西風送客楚城秋二陸翩翩未可求事往共思河朔會花時
獨上庾公樓渚宮雲擁巴巫闕夏口天低江漢流蘭杜青青
如怨客至今瓊珮渺芳洲

送九香隨侍湘南兼有入都之行

早秋漢南道斗酒罷離亭及爾春風暮重傾雙玉瓶鬢毛殊

少日湖海易晨星十日飛花路君宜醉不醒

忽發浮湘興言從太史公地連南極近天入洞庭空瑤瑟青
峰外芳籬暮雨中須令騷雅地千載辭詞雄

作賦誇雲夢題詩入 帝州佩刀河朔氣匹馬薊門秋趙李
應相過荆高或可求長安好明月一上鳳城樓

四十黑頭顛憐君手版趨戲稱蠻府語狂乞步兵厨吟卷千
篇富官曹一事無要津高舉者丹墀豈吾徒

武昌喜遇木民

東上秦皇封禪臺赤城霞起望天台驅車秋色西山遠飛鳥
仙雲北斗來萬里征蓬天外客千秋白雪郢中才相逢又作

百柱堂全集

卷十一

滄江別覽醉高樓濁酒杯

七

百柱堂全集卷二終

百柱堂全集卷三

庚寅辛卯壬辰

監利王柏心子壽著

匹馬秋風圖爲木民題

秋光照佩刀，驄馬五花毛。
地入幽燕壯，天連趙代高。
漢廷徵賈誼，蜀國貢王褒。
詞賦雖難遇，馳驅亦自豪。

和子重雨坐武當宮竹間亭

空山君獨往，意適欲忘言。
杳與古初會，不聞風雨喧。
時吹一箴笛，上激猿雲翻。
儻見浮邱鶴，翩躚入九關。

贈竹同子重

我有上清詞，龍蛇繚繞之。
琅玕裁作筍，云是湘妃貽。
古渙隱

相積青光遠更披雕鏤終不減君看風霜時

偕孝長子重看牡丹作

好春濃若酒不遣醉如何欲喚紫雲出
裴裒花下歌暈浮朝雨淺香汎午晴多
上客且安坐韶光恐易過

偕翟讓溪及孝長子重木民集歌笛湖樓

薊門歸騎此裴裒清夜登樓一舉杯聚散
英流歸間氣蒼茫天意老雄才月華高擁
羣峰出雲氣遙浮七澤來且欲相從歌郢
曲莫將別管向人催

湖樓夜集偕讓溪孝長子重木民作

限唐字

已有風中酌兼之露氣涼月華引輕素
天影落虛光攬佩清

言洽凭軒古恨長
鴈池歌吹散舊夢已荒唐

中秋黃雲谷司馬招同子重延知巨伯玉庭讌集

我行涉廣漠流火方在西
兔華淹已滿復此三五期
主人盛遊醮上客多文詞
華鐙耿綺席蘭醴陳金卮
鳴箏接密坐洽洽清且悲
長風動萬里颯沓丹霞飛
窈窕雲間月中夜猶褻
裊玉顏惜光景起舞延清輝
人生重娛宴婉孌及良時
嘉會有睽合素魄多盈虧
玉繩旣已沒行爵不知疲
浩歌坐清露何惜霑裳衣

望江亭同孝長孝旃作

詞客荆臺共倚欄
凭高日盡楚雲端
嚴風朔氣千林動
白日

滄江萬里寒騷國最憐
香草盡羈懷愁逼歲華闌
更驚鞞鼓征西急遙指天狼按劍看

江陵浮圖同孝旃蘅香作

珠塔高凌日月光荆南俛視但蒼蒼
諸天浩渺盤元氣一水縱橫
坼大荒梁殿久隨秋草沒楚臺空
接暮雲長千年閱盡滄桑劫龍象無聲護法王

送蘅香謁選入都

四首

稽帷辭楚甸風雪聽河聲雲擁雙鳧舄春歸五鳳城
鑪煙迎珮入宮漏隔花清舊日研都作猶聞滿上京

桂醴傾波進蘭膏照地光星河懸永夜絲管會高堂
中曲離

聲促當筵別恨長起看雲表鵠奮翮已高翔

稚川乞勾漏季重宰朝歌外宦仙才隱詞人吏績多車前流
雨澤花下奏雲和努力循良業須知政不苛

君攬雲中轡余歸江上舟風雲期後日山海共中州載酒羅
含里行歌王粲樓當時行樂地回首已滄洲

江陵月夜懷子重

海月上雲端滄江生暮寒美人三澨外望望阻波瀾被褐懷
隋壁褫裳擷楚蘭遙知歌白石長夜淚漫漫

舟發渚宮留別蘅香

剪燭宵逾促啣杯淚已凝長風生夢澤孤艇別江陵蘭杜芬

華遠關河雨雪仍龍山懷古地何日許同登

漫興和木民

四首

瀚海多飛檄天山有戰雲高秋開幕府太乙下將軍雪滿河
湟道霜清組練文更勞班定遠白首立殊勲

邊孽殲仍熾遊魂變復生敢窺都護府竟薄受降城疏勒頻
遮使紗車更阻兵覆亡甘蹈轍空自殞櫬槍

天威非驚遠伐叛豈皇風建旆周方叔登壇郭代公前驅貔
虎策列陣犬羊窮萬里安西路仍看屬國通

敷文繼虞帝奮武邁軒皇會定高昌郡終倂日逐王授兵清
鴈磧按劍掃龍荒入奏嫖姚捷長歌謁建章

陳海珊自越歸

高詠懷康樂飄然越嶠遊長天浮遠海萬象入孤舟
彈鋏羈情倦歸帆鄂甸秋終當搏羽翮未擬老林邱

金仲白齋中觀子重壁畫山水

霞起開丹嶂雲生擁翠屏神功驅海岳虛室走精靈
瑤草峰陰紫松花礪口青谷神吾願息於此得仙扁

舟發竟陵留別璋公子重仲白延知

二首

輕艫且未發歧路各霑巾豈不眷良會其如白髮親
將舉東海朮歸植洞庭濱采作高堂壽開筵及上春

廣漢流無極長江寒且深孤鴻厲遠翮眾鳥激悲吟
各贈琅

玕寶交投玳瑁簪，
裴裒一返顧，淚下不能任。

示子重

居乏躬畊地，行無捧檄歡。
以余倦遊苦，知子出門難。
落拓悲年往，呼噉偪歲闌。
壯夫猶未達，何以慰團圞。
夜泊漢皋，有懷竟陵諸子。

東下滄浪急，還連江水流。
一尊坐遙夜，孤月下汀洲。
已歎風波隔，兼悲節序遒。
豈無雲際鴈，不解繫離愁。

武昌曉發

江氣曉氤氳，中流兩郡分。
樓臺開宿霧，城郭麗朝雲。
日動浮萍實，波迴濯練紋。
艣牙初指處，先起鷺鷥羣。

芳訊和木民

薛濤浣溪畔盧女石城旁恨結芙蓉帳寒生玳瑁梁拂釵驚
翡翠挾瑟怨鶯皇獨有啣書鳥新從閩苑翔

遙情 四首

明珠湘浦返羅襪洛川歸難折瓊華訊空留壁月輝文園分
錦水綵鳳怨金徽脈脈遙情在嗟無青鳥飛

小字雍容妹新歌娥媚孌歡情鶯帶纈妾意風鑪香泥飲玫
瑰笑開襟荳蔻芳深宵窺縷枕私喜嫁王昌

七綵芙蓉帳雙飛蛺蝶衾微詞邀宋玉約指苔繁欽密院金
銜燼重簾玉漏沈蘭情還自露羅帶結同心

玉洞流香路銀河淺水隈桂娥奔月府巫女去陽臺碧杜悽
無色紅蘭怨未開石城雙艇子不減莫愁迴

溪上

溪光似若耶溪水發桃華豔冠羅敷里春深碧玉家青鸞沈
鏡影朱鳥閉窗紗惆悵垂楊路東風日又斜

題鄧氏藻園 四首

樂志仲長統爲園顧辟疆楚風蘭作畹騷國桂爲堂匿月重
檐迴披霞畫拱張應須憐仲蔚三徑只蓬荒

磴轉松巖峻梯危桂壑重風中搖碎荔天外截芙蓉去鶴迷
前徑來猿惑蒼峰蓮壺如咫尺欲問羨門蹤

白羽三成箭紅鸞七寶鞭草迎馳埒淺花覆射堂偏振策長
風起彎弧滿月圓還追平樂飲日暮會芳筵
畫蘭低亞水飛閣迴臨空花散兜央雨樓高燕雀風露香時
未覺秋意已先通但采芙蓉佩何須楚澤中

城南

城南延眺美楊柳最依依川帶輕雲媚春浮遠綠歸香塵車
馬少上日綺羅稀坐惜年芳晚林花歷亂飛

臨曲和季舉四首

子夜明珠曜三春白玉堂牆東巢孔雀檻北宿兜央顏色矜
臣里雲山媚增鄉錦屏三十六花月爲偏長

小妹青溪怨黃姑碧漢愁仙靈猶此別生世獨綢繆桃李同
車路芙蓉並舫秋從今歌豔曲不獨在秦樓

願爲連理樹不慕舜華榮白石鑄君意紅絲喻妾情殷勤調
寶瑟持贈薄羅瓊但看盤龍鏡何殊皎日明

乘鸞方得侶吐鳳復多才築宅無金谷編詩有玉臺凌雲終
拂拭借隱且塵埃起爲文君慰彈琴進一杯

得讓溪黔中書卻寄

西南有威鳳毛羽天下奇文采間世出有道方來儀一飛覽
閩閩再集滄江湄羣鵠從之遊拊翼無差池天風運浩蕩復
返西南陲西南不可極山川中間之滄江有瓊樹垂實何離

離道遠莫由寄將毋渴與飢

疇昔攬瑤佩歡好結中腸歲華一倏仰契闊忽已長朝臨洞
庭沚濯纓望八荒飛雲向南去不得棄之翔俯見牂牁水東
流下夜郎方舟久不至欲濟徒徬徨

青鳥雲間來忽在尺素書遺我水蒼玉言以結區區明明天
上月流光萬里餘依依故人心何言山海殊感子意綢繆在
遠分不疏賈以五色組飾以雙明珠纒纒未能已金石永無
渝

短歌行

海風吹濤三山飄搖俛仰百年倏如崇朝亭亭白雲欲東反

西翩翩我心憂來無時呂困棘津寧歌南山古來聖哲莫不
屯難陟華有崖涉河有岸茫茫窮達安可懸斷白日照天夕
入滄海朱華灼灼春陽不待新聲在御旨酒孔多少壯不樂
老當奈何

放歌行

飛蓬遇長飈高高入雲天顧謂豫章拙蹇曲巖谷間日華麗
雙闕驅轂來駢闐少年擅名譽意氣矜豪賢朝釋中田屬暮
稱金門仙詞翰耀珠玉聲華馥椒蘭多材邁休運浩蕩易飛
搏濯鱗際溟渤潤芟得醴泉徒步縮青綬立談裁華冠今君
有何疾被褐獨遷延

代美人愁鏡效太白

美人朝攜千金之寶鏡照作芙蓉淥水之新妝不惜絳羅勤
拂拭愛此團圓明月光臺上青鸞宛交頸臺前願照同心影
錦字遙同曉霧沈淚花長貯秋冰冷昔時明豔動流霞今看
憔悴隨落花花顏落已久芳訊來無期當時悔鑄婢娟影不
見容華那得悲

悲歌

投閒無爲貴壁失路無爲懷歸我瞻中野鷺蓬回飛歲晏天
雨雪塗長僕告飢涕下不能已憂來當語誰

古別離行

西河之水東海波古來無如別離何升堂辭君出復入不惜
攬涕爲君歌憶昔年華擅芳綺名冠延年樂部裏是時逢君
歌舞場一顧當筵空下里櫻桃花暖春風香飛來紫燕巢君
堂座上禿襟憐斌媚鏡前繡被卷芬芳冶遊日共章臺側朝
過城南暮城北醉折珊瑚七寶鞭擲盡金丸那足惜此時共
誓山不移此時共指青松枝一朝君心有反覆明珠翻墮濁
水泥明珠墮地竟誰主卻望君門淚如雨鬪雞年少罕經過
教坊子弟輕相侮遺君昔時雙珠簪留君昔時合歡衾故衾
餘愛尙不滅遺簪委弃難復任儂有宛轉芙蓉帶發筍霞霞
光照地織成五色雙兜央奉君去後常留意飛霜十月金井

寒飄風北來驚離鸞
裘哀孔雀毛羽短
出門千里途漫漫
故人出門迹如掃
新人入門歡苦少
但願君情如白日照
見新人長美好
吁嗟故人豈自保

渚宮雪夜歌示橘香孝旃

白雲在天忽南北
人生離合安可測
渚宮二子蔡與鄧
時一夢之見顏色
去年別淚飄寒風
今來握手仍嚴冬
不惜單車冒霜霰
所嗟蹤迹驚飛蓬
入門咫尺列左右
金釘銜璧映珠
輝
僊娥窈窕垂雲鬢
二子日對玉臺友
喜聞我至急躡屣
坐我東軒梅花裏
蒲桃之醞金叵羅
十日平原歡未已
朔風夜嘯軒轅臺
飛雪遠度龍荒來
千樹萬樹郢門柳
一夜盡變梁

花開坐來明星動四五華月已入掌中杯才名詞賦亦安用
眼中屈宋何有哉長願風塵二三子痛飲不爲離別哀朝來
馬首拂征霧忽余歸指滄江去東風二月吹白蘋二子亦作
金門行雲中雙鶴縱橫翔獨鴈悲鳴還故鄉從茲一別參與
商亦知後會終茫茫攬衣不得少徬徨出門回首淚如霏渚
宮蒼蒼不可見明歲題詩風雪辰相思遙隔黃河岸

江陵浮圖絕頂看雪

不辨人天界茫茫積雪繁虛光干佛湧寒色二儀昏闕世蟲
沙古觀空象教尊楚臺今不見獨鳥下荒原

行路難

珍珠綴鳳之明燭塗金飾玉之高堂陽阿傳葩之曼舞清華
躡屣之名倡嘉賓清夜進羽爵半酣不樂忽慷慨高歌華
悲行路悽然四座如繁霜

懷中紫瓊瑰良工采自藍田陰鏤之逾三載上爲雙鳥巢珠
林殷勤托行雲將以貽同心節君珩璜之雅步托君蘭蕙之
芳衿如何君心有同異篋中棄置塵地侵歸持勝緘不忍視
使我感歎常至今

洛陽桃李擬春暉青樓夾道何參差美人煙中捲珠箔自矜
絕世雙蛾眉時將玉手弄瑤瑟絃中幽怨當語誰飄風何來
滿椒閣落花吹上香羅衣金窗寂寞豈足惜朱顏零落難自

持不觀秦墓之雙鳳但歌野雉之朝飛

猿警

五首

南去零陵道妖星徹夜看兵符飛雨急烽火倡春殘小醜豺
牙毒將軍馬革寒臨江有節士撫劍髮衝冠

職貢道荒服山川雜漢耕豈應干羽日猶聽鼓鞶聲風雨銅
標間闕門鐵牡驚寄言守邊吏戎莽竟誰生

種落仍盤瓠跳梁阻負嶠陣雲連桂水兵氣薄蒼梧峒弩爭
馳笑鷲雀雜嘯呼雷霆車轍下螳臂爾何愚

桓桓諸葛略矯矯伏波師南斗蛟龍劍中軍熊虎旗良家徵
郡國芻粟壯京坻願執攻心策輕兵卷甲馳

郡邑猶饑饉田廬半草萊師行知必克民困轉堪哀深入申
天討懷柔仗吏才大臣建方略須爲廣春臺

集藻園登臺看月

高臺延驚飈纖絺生微涼暝色適已赴歸鳥翩成行輕雲翳
華月冉冉流清光野曠息羣動波定浮空香蒲荷雜遠樹俛
視無低昂綠勢不可盡迤邐一何長時見野火出參差露林
塘渚宮近可睇梁苑遙相望英英二三子逸興何飛揚羽管
不知算清言殊未央高文足炳煥信美皆圭璋請掇南皮韻
載睹西園章

閏九日偕李心海出陸城南郭看山遂憩三閭祠

秋風吹客愁浩然倏已積放情山水間聊以資蕩滌勝日盡
朋簪出郭展幽覲探奇匪在遠意愜縱所適始陟林壑殊稍
窮塵境隔時聞異鳥喧未覺欄芳歇不知湘纍祠何年構絕
壁當戶羅衆峰百里了可識秋日懸高天萬象何明燿霞采
被崖巔川光動林隙驚沙西北來蒼然蕩野色想見山阿人
帶荔蔭松柏折蘭貽夫君瀟湘不可極杖策遵歸塗嶺援已
啼夕寄謝谷間樵此焉託安宅

岳陽觀南征凱旋

使者旋師江上臺鏡歌聲度洞庭來威遂銅柱三浦定下瀨
戈船萬里迴陣擁烏蛇雲際下旗翻熊虎鏡中開平淮吉甫

歸無緩 天子方陳宴鎬杯

三捷飛章達 九重褒勳詔出未央宮
已聞轉戰勞羣帥特許將軍晉上公
傳檄山川重譯貢洗兵風雨八蠻通懸知入告
許謨遠休養先回造化功

牟將軍寶刀歌和木民

將軍昔年十四五奮刀殺賊如風雨
千騎萬騎銅馬兵相戒不入施州土
聖人龍興朝燕京首率部眾歸
朝廷佩刀走謁驃騎幕口陳奇策隨西征
長驅進殄黃巾族萬里威名定庸蜀有
詔旗鼓建江東長城氣與秋天肅
逆藩稱兵阻海間遊騎遮入仙霞關
金華之郡扼賊境城邊日有烽火然

天地沈沈戰雲白將軍大呼出擊賊初猶橫刀如不驚賊來
逾近始相逼陣中出沒刀無聲遙見鬪饑滿空擲寒光橫激
雷電飛戰血上染星辰赤醜徒驚走避卒虎越國山川罷戰
鼓捷聞晉秩 賜璽書赫然勲伐藏盟府將星夜落天門高
軍中大樹風飄蕭此刀不殉祁連冢空山化作蛟龍號百年
忽入龔侯手相逢示我酒酣後捫之腥血圓花紅明星搖搖
墮北斗 今皇垂衣馭寓縣瀚海天山絕傳箭昨者已罷樓
船師南荒再覩銅標建侯今出試鳴琴風往以休養回元功
賣刀且宏渤海化請銷蓮鐔興春農